

Informashon General

Konforme ordenansa (PB 2020, no. 111) a instituí Konseho Supremo Elektoral komo un órgano independiente i ku su propio presupuesto. Konseho Supremo Elektoral ta enkargá ku organisashon di elekshon di Parlamento i ta fiha resultado di elekshon manera e ta reglá den Reglamente Elektoral di Kòrsou i tambe ta enkargá ku organisashon di un referèndum konsultivo i resultado di e referèndum akí. Ademas Konseho Supremo Elektoral ta enkargá ku e Ordenansa finansa organisashonnan polítiko i ta outorisá pa duna konseho pidi i asta si no a pidi p'e na gobièrnu i Staten semper i kuando esaki ta kuadra ku nan responsabilidat i obligashon. Tambe Konseho Supremo Elektoral ta outorisá pa komuniká ku siudadanonan tokante ehekushon di nan trabou independientemente di gobièrnu i Staten.



KONSEHO SUPREMO
ELEKTORAL DI KÒRSOU

VAKATURA MIEMBRONAN DI KONSEHO SUPREMO ELEKTORAL

Konseho Supremo Elektoral ta konsistí di shete miembro di kual un presidente i un presidente suplente. Pa ehekutá su tareanan e Konseho tin na su enkargo un sekretariado guiá pa un sekretario. Konseho Supremo Elektoral tin diferente vakatura n'e momentu akí.

Profil

Konseho Supremo Elektoral ta buska un presidente, presidente suplente i miembronan ku spesialisashon i eksperensia riba tereno hurídiko (derecho di estado), finansa, IT i riba tereno komunikativo.

Spesialisashon, konosementu, afinidat den derecho di estado òf proseduranan elektoral ta rekomendabel. Pa kumpli ku e funshonnan akí Konseho Supremo Elektoral ta konsiderá komo importante pa esnan ku ta solisitá tin sierto kualidades general. Den e landsbesluit profil pa miembronan di Konseho Supremo Elektoral por lesa detayenan di e profil. Por pidi òf konsultá www.kse.cw pa haña esaki i otro rekerimento ku ta mester tene kuenta kuné.

Proseduranan di nombramentu

E Komishon di nombramentu di Konseho Supremo Elektoral ta nombra miembronan pa un periodo di seis aña. E komishon ta selektá miembronan nobo basá riba e profil i kartanan di solisitut risibí. Aparte di entrevistanan un investigashon di seguridat dor di VDC ta forma parti di e nombramentu.

Embergadura di e funshon

En prinsipio e Konseho ta reuní dos bia pa luna. Aparte di e tareanan general miembronan individual por keda enkargá ku sierto tareanan spesífiko segun palabrashonnan ku kumbiní i e manera di traha den e Konseho. E Konseho den su totalidat ta keda responsabel. Presidente di Konseho Supremo Elektoral ta representá e Konseho den tur sirkunstansia i ta enkargá ku algun tarea spesífiko. Na miembresia di e Konseho ta mará un kompensashon finansiero mensual di respektivamente ANG. 1500,- pa presidente, ANG. 1200,- pa presidente suplente i ANG. 1000,- pa miembronan general.

Pa mas informashon tokante e vakatura òf pa e profil por tuma kontakto ku e sekretario di Konseho Supremo Elektoral, Sheryl Losiabaar via sheryl.losiabaar@kse.cw òf 5245711.

Ta pidi kandidatonan pa manda nan karta di motivashon i kurikulo pa mas tardá 27 di aprel 2023 via email di sheryl.losiabaar@kse.cw òf entregá na ofisina di Konseho Supremo Elektoral situá na WTC, Unit TM.II.16-18.